

Izjava OHR-a i EUSR-a povodom današnjeg komentara premijera Republike Srpske Milorada Dodika



Izjave premijera Dodika predstavljaju očigledan pokušaj da se u predizbornom periodu postignu jeftini politički poeni. Umjesto traženja rješenja za stvarne brige građana, kao što su otvaranje radnih mjesta i privlačenje stranih ulaganja, namjera Dodikovih izjava je da se ugrozi onaj isti mir i stabilnost koje on tvrdi da želi održati.

Suverenitet i teritorijalni integritet Bosne i Hercegovine su garantirani međunarodnim pravom, uključujući i Daytonski mirovni sporazum. Republika Srpska i Federacija BiH su sastavni dijelovi Bosne i Hercegovine i njihova legitimnost proizlazi iz Daytonskog mirovnog sporazuma i Ustava Bosne i Hercegovine. Ponavljanim osporavanjem postojanja Bosne i Hercegovine, premijer Dodik šteti Republici Srpskoj, čije interese pretendira da predstavlja: svako ko osporava teritorijalni integritet Bosne i Hercegovine osporava i postojanje njenih sastavnih dijelova, uključujući Republiku Srpsku.